

桂馨堂集

順安詩草卷三

嘉興張廷濟叔未著

男慶榮孫

福熙較

王大令洛神十三行

魏水村舊藏葛領木

葛仙領傳賈相宅掎地得玉陸正伯

李光暎金石文考略玉版

十三行武林陸正伯於葛領掘土得之石色如瑪瑙洛神賦賸十三行王令

媚趣簪華格是誰銛奏昆吾刀得無王廖兩門客

宣和印殘紹聖遺楊疑宣和時刻畫閱陸葉王陳

歸翁

秦和令陸夢鶴觀橋葉氏王氏海昌陳實齋後歸翁羅軒尚年

白沙持節羊

城驛

天府經進祕石渠越州燕石空方尺輒刻

石刻後愈繁形貌依稀神全易此本辛齋贈水村
朱姜諸老題盈冊由魏歸丁又百年瘞沈裁詩重
蹟劇魏塘武水余堦鄉歲辛酉觀題款亦卅金購
來一闕如卮酒解顏小除夕可憐故劍合延津缺
月識成難觸額吁嗟萬事各隨緣清娛志又聯雙
璧玉枕卷留太傅題賈刻玉枕蘭亭錢太傅文端
公家藏余得一拓本有公手
題宣示刻獲平章石右軍臨鍾太傅宣示表賈相
以真蹟勒石余先獲金雲莊
比部宋紙拓本繼得疏證何辭至再三古墨因緣
原刻於仁和趙晉齋
成痼癖冰窗灑筆清夢俱一笑巡檐梅花索

紀夢

綺窗獨對青蔥山回頭劈見飛仙顏梅花瘦損凋
煙鬟羅浮月落聽佩環天姥不語玉樓關統如五
鼓冰淚潛朝曦竟曙魚目鰈

陳穀水同年希濂五十像

年五十九在京候
選而歿今一年矣

未遂分符便葢棺素車空對總帷寒孫金誰薦淩
雲賦毛檄終虛本分官滿篋煙雲聯子墨幾年風
雨其長安形容猶是人何在老淚相看那得乾

陸宣公祠

宣公風節古誰儔祠廟甘瓜巷尙留自有遺堂眞

不負縱然遷地亦忠州
龜蚨零落碑難認
蟲語淒清院自秋
賸有遺書坡請校
焚香盥露讀難休

錢唐宋勉齋香景盦圖

芝翁

安邑宋帥初

晉叟

仁和趙洛生

嗟淪沒惡耗聞君魂更

銷十五間園重質屋眞成含淚過東橋

梁託園輓勉齋之曾

祖杏洲進士有從今扶杖出含淚過東橋句

一首新詩字未磨
淚痕翻與墨痕多
梅華依舊人何在
瘦影酸風忍重過

朱竹垞陸冰脩查夏重周青士湯西厓寶應

喬氏一峯草堂看花詩冊

舊朝曲水宋西園諸老風流此重論挑盡殘鐙吟
不盡春三花月又黃昏

刻意尋春未肯休憑他白髮上人頭不堪花事驚
前夢淚灑長安老敝裘

郭頻迦磨老復丁庵圖

丁谿指魏塘權發不終日蹉跎會面稀一別歲十
七乞詩兩作緣胥山玉李實旣欣獲瓊玖兼喜得
簡畢爲言近作圖築庵勤著述君學老更成文章
誰匹猶勘炳燭明眞以古人律丁亥復丁亥算
六十一長樂史篇徵朋來應大吉我年戊子生

出丁亥直行俟我復丁期君其舉筆

翁小海雒松陵四先生畫像

計甫草東

經世文章動

帝鄉計然生計頓全荒不知曾

考中書否愁絕西廬老奉常

王煙客太常家書十二通有聞計甫草以

俊秀入監考中書此是其邑人之言未知果否云云

顧茂倫有孝

太湖完節痛黃門一哭難招宋玉魂認取袈裟如

血染好從泉路話深恩

陳臥子在宏光二年二月乞終養念祖母年九十不

忍割通爲僧尋以受魯王部院職銜結太湖兵欲舉事事露被執乘間投水死

潘稼堂求

瀛洲倬直受 恩施回首冰天萬里時
頭白歸來誰作伴 楓江繡水兩漁師

吳漢槎兆騫

君恩如海許南旋 聽了笳音二十年
難得尙書原

唱句封題寄自孝廉船

徐健庵尙書喜漢槎入關還字韻詩憶園集不載余

輯秋笳餘韻兩卷承尊公海郵徵君鈔寄

錢恬齋方伯畫扇

頑礪亂篠儘荒寒 下筆何曾似達官
惆悵故人陳

在淚痕難共墨痕乾

孫平之以錢恬齋方伯畫扇屬書皮閣累月方伯遽

物故爲裁小詩於背曹種水馬澹于兩子皆同
舊雨而深於詩者可索其數言幸勿輕爲他手
塗抹也

孫頤谷侍御深柳勘書遺照應兩人同門同

元之屬

蚤年名宦晚儒林柏府歸來歲月深自是傳經有

同調好將盧米

謂抱經學士

配孫金

幾續遺編付石渠向歆世業復何如門前認取先
生柳總解人間未解書

祥符寺唐胡處士季良所書石經幢爲黃蘗

泉士珣題

李唐石經幢枚數殆將百書者或不書或書復蝕
闕就余目所驗張少悌第一卓哉胡處士書妙庶
可匹二十六年僧察曾參謁此石植空庭精嚴
淨如拭趙晉齊吳侃叔姜怡亭俱亡陳迹竟誰覩
隱君此浩歌探奇老益劇倪周黃厲偕甌蠟樂供
役想見耽幽心前後若一轍安得生同時奉杖其
几席祥符一瓣香向幢長合十

對紫圖爲慈溪王西嶼約賦

西嶼之祖手植紫薇百餘年花
最盛其父五樹翁作對紫圖

一樹花開一畝寬紫霞如海起文瀾他年薇省

簪筆應憶黃山舊講壇

西嶼住宅有前後黃山

兩番分住廨東西花樹吟聯記舊題萬里丹山

手植華池應有鳳凰棲

道光壬午乙酉與西嶼同寓武林余贈以聯句引韋

家花樹故事

趙次閑之琛室人臨宋南董殿畫冊次閑屬

題

院華如夢了無痕秋草春苔綠到門認取斷縑重

著筆全家書畫趙王孫

筆作生涯石作田蘆簾紙閣自年年笑僂夫壻雲

山好只恐花枝色未鮮

汪小米遠孫松聲勘書圖

較書難比著書難深柳圖傳孫叔然

較書難比著書難孫頤谷

侍御自題深柳勘書圖句難得水雲今健者更搜文字到盧前

中翰爲釋文之學補虛抱經學士考證所未及

算來許鄭是前身綺歲窮經有幾人齒冷藏家書滿庫可憐未觸手如新

過西湖

花事關心老倍濃春風過了又秋風殘紅賸翠綠堪愛莫負荷塘八月中

率慶榮遊止庵

小橋曲水到祇園載得天香滿畫船縱逸大觀
上闕也成一半廣寒仙

吳江徐虹亭太史豐草亭圖爲芝楣作

城西松竹未全荒無恙南州舊草堂萬里山川供
筆札百年壇坫話滄桑朱輪公等鸞龍席青史吾
曹班馬場回首江亭成獨臥可能無夢到巖廊

紫禁 恩深許放還全家歸去潞河灣金華蓮

炬辭三島錦字弓衣織百蠻落盡丹楓江其冷種

成黃鞠戶常開爛谿

潘稼堂

梅里

朱竹垞

俱頭白憑話

蛾眉舊列班

姚雲東詩畫冊用姚韻

姚景泰四年癸酉舉人成化元年乙酉進士官廣東道監察御史己丑閏二月歸家宏治八年乙卯卒年七十四家居三十四年人稱丹邱先生大抵多取老莊神仙之說以自況右畫秋林歸雁雙鶴長松又詩二紙俱冷隲有味

遠樹新霜絕點塵
太空無滓見吾真
一聲清雁催歸去
正讀黃庭養谷神

雲東無地不長清
松老千尋鶴一鳴
三島樓臺塵外路
九天環佩步虛聲
鸞笙玉宇遊仙夢
鵲觀金波故主情
幾築村居園水竹
丹房幽枕聽疏更

吳江張看雲徵士棟贈海鹽朱笠亭進士琰

畫卽次朱張二詩韻

吾家看雲子畫法古人尋瓢笠維揚夢琴尊舊雨
心松陰樵路滑茆屋屐痕深靜對焚香坐如聞山
水音

吟釵圖爲武進湯雨生都護貽芬作

迸下思親淚鏗然玉一聲登壇新節鉞展卷舊簪
纓巢破家何在天荒夢亦驚忠貞書重讀旅夜暗
鐙檠

玦闕終難合傷心語忍聞完人原有後儒將總能
文畫筆西湖月詩囊南海雲桂香荷盡日何意得

逢君

汪劍秋拭祭硯圖

眞硯復眞手一年磨又磨勞君鑄文字今夕重酣
歌篋裏更新歲池中起大波不知濺墨處何似酒
痕多

明餘姚王海日尙書狀元策

焚香儼拜瑞雲樓兩字難磨此狀頭

羅念庵云二
十年讀書方

磨去得狀元兩字然如尙書之
學行文章此卷自不可磨滅

螭殿有書傳賈董

龍泉無計斬焦劉早年吐氣虹光老

尙書早年晚
有卻妖事

節看山白下秋整頓乾坤付兒輩姚江萬里指長

流

哭顧受笙均

虎頭骨相未遛屯露輶歸魂那忍聞射策正思陳

賈誼銜冤何異哭劉蕡海天風雪圖空挂甲申之冬放舟

余里索題海荷館杯盤酒舊醺乙酉中秋招顧荷館縱使重

陽追及第銘旌何補到高文

洪武船符

明洪武二十三年錦符按史輿服志親王之
藩及鎮守巡撫諸官奏請符驗俱從兵部奏
行尚寶司領之事竣則繳其制上藏船馬之
狀起馬者馬字號起船者水字號起雙馬者
達字號起單馬者通字號起站船者信字號
此信字貳佰貳拾玖號蓋起站船之符驗也

是年蜀王椿之藩成都晉王勰燕王曄征元
陵住乃兒不花等胡海陳桓等平嶺賊湖
賜七公二十四侯還鄉各護軍百十二人皆
有事關領符驗者豈在二十六年以前事竣
不必繳
符耶

勘合親從紫禁頒風帆一道指津關旗麾耀日封
全蜀戈戟連雲控百蠻絕似金魚分使者何時玉
盃出人間勝他蘇氏回文錦付與騷壇只等閒

富陽董東山尙書山水畫冊

暫輟樞衡一餉閒幾株雲樹幾煙鬟香光家法從
頭溯正是江南半幅山

明吳江周恭肅公詩畫三十幅爲一冊

冊爲公之曾孫忠毅元孫長生所藏

水竹灣環護舊廬爛谿寒影照眉須

戊子之冬余詣謝天港得

拜公

大像朝端恩怨無半李身後忠貞有顧廚那便驥

心甘棧樅且隨鷗夢到江湖天留卅幅人間世字

字幽風入畫圖

忠孝傳家有後昆猿哀鶴弔忍重論丹心豈下南

冠淚碧血誰招北寺魂

天啟六年忠毅被逮斃獄崇正元年長生伏闕訟冤

請金卹詣鎮撫司招魂歸以朝服改葬樹首忠坊

可歎破巢成瓦礫總珍

故紙重璵璠標題無恙羣公筆合灑清尊告墓門

嘉善丁氏沉香湖舊宅名丁家柵在治東北

三十里滄桑後久廢爲田沈寬夫外舅葬處卽其廳事址也茲得富陽董尙書重寫黃梅花圖用坡公詩韻題後志感

五百年前黃梅花戈志傳說操江家黃皮紙摹唐鎔蠟董尙書畫真神物滄桑零散人誰知雲仍豫庵空哦詩塗黃重寫千花葉富陽尙書亦奇絕四

賢梁山舟學士梁冲泉侍郎姚蘆涇侍御諸草廬官贊題句重斗山快讀何

異花下眠我昔鼓枻香湖去馬鬣風悲難覩句織

簾長老壺中人

外舅乾隆乙酉科舉人兩上春官懸車不出賣藥終老所居處曰壺

中世

河陽空誅扶風君濤聲松聲互激越痛酌椒

漿幾瓦鉢

又題

宋朝樹明朝畫色空空色難分派名賢宅名人墓
海田田海如朝暮前圖飛去後又圖後圖又入他
家廚前人成墓後人哭轉眼後人鬢又禿黃梅如
蠟年復年終古不老惟青天几有破硯座無甕耐
此風雪曾冰堅不管花夢何時圓

二隱圖

籬邊猶綻黃金萼益內已開白玉枝五柳先生老
益壯孤山處士新相知寒香疏影成雙絕秋色春

存其一時好續龍山查太史邀人京國共題詩

查初白老人有陶林二
隱圖索同人賦詩紀之

楊古農布衣畫冊

古農寫嚴陵釣臺其有感於丙戌援衢死事
之人乎布衣隱鄧尉山丁酉年卒年六十

陰壑寒厓萬木哀有人慟哭上西臺
陸沈那返虞淵日劫火俄驚大地雷
敗馬嘶風原路草愁鵲啼雪墓門梅
可憐鄧尉山前過孤冢誰澆酒一杯

又題香湖黃梅花圖

沈家園裏黃梅樹甥館逢花幾度看
連屋釀香書萬卷

遙峰外太舅寬夫外舅兩世
積書二十積年來散失殆盡

過牆空翠竹千

竿園中有小屋扁曰竹隱外太舅自識云余性愛竹苦無地栽闢戶遙見西鄰數竿蕭澗之致殊勝也廷濟案西鄰爲陳銅龍水咽朝暎暖金鳴香

息園觀察作梅住宅

添夜月寒鬢影釵聲渺何處鐙前蠟淚幾時乾

吾家亦有黃梅樹甲渡門邊一小山蒼蘚沿階庭
窗篠青谿繞屋路灣環因薰紙閣枝頻選爲插銅
餅葉半刪華意不知人老大檀心依舊對孱顏

書畫藏家三布衣冊

秀水張浦山徵君庚江陵朱尋源雲燎書
畫各十二幀余同里胡亭山大年藏本

停勻院體等輿臺筆自平原三稿來不是江陵老
畫者雙毫那得兩雄才

驟雨旋風筆不停三才萬象見真形王孫蹋徧天

涯草便注山經與水經

朱系明遼藩分枝宜陽後裔張徵君稱其平生好遊

凡名山必圖之

生涯只賣淡巴菰老屋三間酒一壺白寫竹蘭自

怡悅懶傳姓氏到江湖

周恭肅公草衣荷帚圖

明吳江周恭肅公名用字行之號白川宏治壬戌進士官至吏部尚書贈太子太保少時豐山水師石川翁晚年造詣深至翁曰我不如也寫人物逼近吳小仙是幅公之後人錫璋道光二年閏三月題籤云恭肅公水墨寫意埽花仙圖

縛將亂篠與荒筠行過山村又水村除卻仙家無

用處生平從不歸侯門

朝衫脫卻草衣輕頭白滄洲萬里情世上儘多難
歸事一齊分付與蓬瀛

宋芝山葆淳贈趙晉齋魏畫幅

晉齋武林彥訂交歲乙卯窮棲寶祐坊金石恣搜
討儀徵兩竦浙積古其傾倒琴川壽金盃偕余成
三老長白斌笠耕觀察督儲江南余與晉齋偕江墨君同客壽金盃每泊新谿船
披沙時見寶化去乙酉秋悲風空宿草雲山故依
然我心祇自攬

芝山江海心山石老奇士窮攬半天下畫得古神

髓精沈飲中雲煙時滿紙長安虎坊橋定交從
此始辛酉壬戌時過蘇米齋便便講文史蹤蹟幾合離
淮海與浙水滄江虹月舟屢放竹田里清儀閣信
信鑿稽發妙理古驪垂卅年風流今已矣尊彝色
斑斑泉印數綮綮奈此素心人九京呼不起妙蹟
此重珍名香燕裴几

哭妾王

名餘海鹽人家在西門內楊家街道光十二年壬辰正月十四日卒年五十一

三十三年事悲歡了一場劇憐窮到死那得夢還
鄉其家已無存矣荒殯愁泉路虛堂冷佛香可能尋大婦

相見話淒涼

眉梢處現
與沈兩地

貝見香■西泠秋泛圖

省識湖光五十年舊遊如夢復如煙披君一卷迷
離景真結西泠一段緣

管領西湖水北樓分曹射覆散觥籌衰年也要添
吟興說與詩朋老貝耶

大雨

八月十六夜聞
天竺山中出蛟

怒雷驚起老蛟蟠一雨傾盆瀉不完頃刻西湖水
拍岸爛銀堆滿水精盤

汪心壺女史陳瑛寒燈憶子圖

何意曇華一現來天風頃刻御瑤臺金環縱有重
逢日離恨爭消夢者同

紙閣聯吟作主賓西湖傳說兩詩人莫因占盡人

閒福四十纔教抱石麟

余故妻年四十始舉慶榮
今嘉耦齊眉年三十九故

收句以
此爲頌

平湖張筠谷繼周妾意圖

雲鬟矮墮仙子妝輕綃中單繡羅裳老松飽霜蘭
粲雪淥池菡萏波生香錦水東西雙鴛鴦游戲不
忍兩分張妾意與之誰短長

晉太安二年甄

太安二年陶甄爲爲墓者誰人姓施契型紀年八
分字吉語貴壽維孫宜獎首雙中隸法古吉日
已周所遺永字二首下畫直寶鼎丁亥相參差字
蹟典重不流省劉韜墓版同所師是元之甄吾亦
有其年先後不同時何如此饒完且美一十有六
好文辭竹儒潘見吳彥士得此作硯留廣眉利磨
喻塵墨幾合濡染毛子何淋漓秋水逼冬清且瀏
日偕阮葉舟葉薊巖扁舟移茆齋閭古物共攬攬
此佳拓洵神期所悵回懼太息遠蠟燭未翦黍未

炊晨起開窗再展看不異細讀典午碑陳抱之吳

靜軒楊龍石馬山父吾石友海昌老衲六舟同能

詩得句漫書濡本後爲語諸君一和之

重修明楊貞肅公祠落成

楊公古遺愛禾郡九載領三百餘年來廟貌孰修

整程君聽溪廣文敦古心循齊官耐冷告夢古衣冠肅

對夜方丙朝來謁公祠瞻像心猛省士庶懷至誠

慮事亟勉邇知公福禾民敢爲禾民幸

公去禾七載守有金溪徐徐遊蓮寺詠賡韻積抱

攄清風屬此貧景公知何如懷柏山人徐太守遊蓮寺詩千古清風

屬此貧煙霞到處興偏新應憐野衲能留客無那
山花解笑人腸斷暮雲迷舊隴夢隨殘月踏香塵
白頭江上垂綸者秋晚應誰更問津詩後云金溪
徐霖次前守楊公韻此詩府縣新舊志俱不載而
墨蹟在 徐詩今尚在公詩歸太虛安得公蹟獲鐫
余處

石留瓊琚此願可遂否虔臨且俟諸

公祠始建時在修陸宣公祠日陸祠今書院鵝湖鹿

洞匹余昔肄院中伊長自伊小尹先生諱湯安號耐園乾隆辛卯舉人來守嘉

興振飭駕湖書院仁車隆庚寅舉人官嘉興學教諭

後官全黔方伯 時監 師教密同肄緒孝廉與沈鼎前副憲砥礪教其師

旣景陸相賢亦聿公德述方茲修講堂會新公廟

室舉廢公有靈念舊吾難悉炳燭珍餘光勵學期

勿失

松身梅花圖

吳松身接沈梅花鐵骨霜皮兩絕誇處士大
夫連出處孤山岱嶽屬名家辛卯清明後三
日吳君補之過瑞芝試松花小墨索紙作松
手倦投筆而去惜其未完余卽以松柯作梅
戲題一絕博知已一笑雲巖沈宋左手畫

高寒莫言山澤癯此身曾封五大夫古來偉人皆

如此出則名宦歸醇儒沈老布衣家茗水

沈有茗上布衣

長方印扁舟橐筆來篁里王翁延住牆東堂

王益亭太親家

謙延沈於牆東草堂教其長女應綵居士與畫居士適范其子稼堂孝廉德鑑官天台教諭

夫人爲女弟子晚年右臂患不仁左手書畫氣益

振至今流傳見幾紙芝田菜圃珍瑤珉隱泉王秦巖家有芝

田竹鶴圖余藏菜甲圖此幀乾隆歲辛卯冰華鐵幹風霜飽

老梁夜作龍鱗而山樵不敢銅坑拗陳俯恭龔研梓農

時可朱冲然錢眉客昔同時竹田寓客皆可詩吳君

里居惜未考前身莫是揚補之

瘞鶴銘

逢原兄拓本

山樵殘銘八十九石打成一幅紙精嚴楮墨字

字香池暈何論未出水篆銘非篆云篆石舊館壇

碑亦云爾吳江翁叔鈞鴻云陶隱居正書舊館元壇碑亦云篆石頌德與茲山不朽

氣渾噩入仙心非陶隱居誰能是謂王謂顧謂顏

皮往說紛紛滋議擬三行宋刻張汪云想亦傳聞

沿誤耳

大興翁閣學覃溪先生云朱方三行張亟齋汪松泉皆云是宋人補刻試思此字妙

境豈宋人重刻所能到者乎且勿論其字畫與宋水浪相蕩激之不可強爲也翁蹟余已刻諸石

刻山上今尙存按訪未到何輕訾

焦山尙有磨崖重刻下截爲明

人題名刻去今存九行五十六字海

呂方外友六舟達受曾手拓貽余憶昔乾隆甲

寅春蓬園親躡焦山址

同祖兄逢原明經名灝行四乾隆廿六年辛巳生嘉

慶十八年癸酉

是時未經僧洗鐫江波蕩鬻淺膚

理崎嶇坳突甌椎難一紙已窮一日晷滄波五行

細字出好古先民未經視歸來展挂淳雅堂大呼

置酒色有喜石交先後爭傳觀真侶題名幾君子
拓者今隨鶴化去四十年來一彈指當時致此波
濤輕此時珍此瓊瑤抵回環臨摹百不厭真宰會
告精虔裏從來大字無過此此語服膺黃太史未

致此本前一年畢髯遺我水前拓

海鹽畢崑原貢生名星海澈浦

人乾隆壬子癸丑館余從兄中孚家

紙白漸作蒸栗黃古香猶未燼

潢著石活水漱字作棧筆法天倪鼓棗籥墨華隱

翳月暈雲鋒穎內含光照灼髯公之祖旣明翁

宏

述

六書妙微窮探索金壇王

虛舟蔣鼎存給事蔣老人

金石交

篆隸眞行五斟酌淮海攜歸基間堂視他石墨俱

碌碌髯也來授兒子經掇贈謂余欣所託逢見隨

致此本回新舊比量賓主各邢師大雅秦中賢師

邢侗山先生諱澗甘肅階州人乾隆庚戌進士官

長興縣令陞南安府太守著有全秦藝文志金石

異文錄寶宇訪碑錄兩漢

希姓錄守雅堂詩文集遺文著錄精且博鑒茲

舊本色欣然瓣香遂入子雲閣白頭今日讀銘詞

何處雲歸遼海鶴米庵秀色故依然太息九原人

不作米公觀山樵書十六字亦既明處士所藏舊本畢縣同時歸來今尚在

瘞鶴銘磨墨精拓漱浦故友吳侃叔東發物

延陵君子鐵匠村侃叔住漱浦城內鐵匠村鶴銘雪夜云誰論

乾隆癸丑侃叔贈余聯句云花間

自寫來禽帖雪夜誰論瘞鶴銘銘詞屬余今重

讀鶴歸雲冷愁黃昏此銘嘉慶改元拓山僧猶未

混沌鑿

庚申後石已開洗

金粟弟子陸雲中

海鹽張文魚既見蓬園所

拓丈幅因遺弟子陸雲中諸拓數本

澹墨輕椎細斟酌全殘字其九

十三裏幣畫淺精內含天其二字尙遺脫受之辛

摹補他本堪褚家圖譜亦可附翁家尤訂張汪誤

朱方三行張亟齋汪松泉云宋人補刻翁閣學訂正之亦屬張受之刻諸石

後來皆可

藉取資區區豈漫空會傳侃叔與余忝投膠儀徵

同稱金石交

使相阮夫子視學兩浙延濟與侃叔俱被金石交小印

太平巷

與草屨嶺尊酒話別石火敲

癸亥夏秋余寓杭州中太平巷侃叔寓草

屨嶺聚話最久是冬侃叔故

今檢此銘付裝背恍與此君坐相

對石交落落俱晨星可與道古今幾輩此銘此意
敢棄捐到今三十有餘年題詞願其銘不朽人壽
紀還同鶴壽

順安詩草卷四

嘉興張廷濟叔未著

男慶榮孫

福熙
晉燮較

海鹽錢寄坤以發畫像

錢郎藝事多擅場尤刻印當其得意時直接彭

文

與震

何

昔年都事黃

椒升
續古印式

懸金聚璽信臨寫

健筆能尹邢世難認嗣歸余篋衍寶之勝瑜瑾奏
刀試牛毛如君朋輩僅託契逾十年道古記髻齟
知交老愈珍書成此良訊

季勤四弟沅竹田小隱圖

履仁鄉又履淳鄉小雅傳家舊有堂

嘉興
鄉卽元履仁

鄉明爲履淳吾家淳雅堂建於明中葉申誰與里
西間爲土盜所燬乾隆元年吾祖重建

居添故實儀徵使相署新篁

嘉慶八年癸亥吾師儀徵公撫浙時書

贈新篁里扁跋云至元志所載履仁鄉今里人呼之爲新篁里叔未解元居此阮元書扁

好景分明小渭川綠陰深處自爲田蘇齋學士如

椽筆古訓重提洩長篇

大典翁學士覃溪先生爲余書竹田深處四字跋云

說文篁竹田也壬戌二月叔未屬方綱題所居里舍

三間老屋敞軒楹畫有清陰夜有聲多少貧簪如

畫裏相公題榜重文清

篁里草堂之扁劉諸城所書

幾唱新詩詠碧雲吟成字字有清芬

阮使相師李許齋方伯陳

默齋總戎屠琴鳴太守吳榕園上舍王夢漁秀才張文魚孝廉俱有詠新篁里詩

從今妙

墨添圖畫聽雨連牀又卯君

寒玉千番爲寫真此君三昧儘傳神

弟工畫竹上海趙謙士少

司農秉冲昔年乞畫數紙因手書竹三昧齋爲竹寫真之室二扁以贈

只憐蔣老文

孫杳吮墨商量失此人

秀水錢順甫善揚與弟爲寫竹友今錢化去已久

昨宵雷雨迸蒼苔又見龍孫出地來好語錦綉勤

護惜凌雲指日上金臺

三姪邦棟字隆吉姪婦徐遺像合冊

爲爾曾吟八首詩幾年團合幾年離今看紙上瓊
枝樣那有生前再見時

幾欲題詩下筆難愁情何處說般般傷心前度何

郎宅聞信催歸酒未乾

嘉慶廿二年丁丑九月廿二日余在馮家橋何郝堂

家舟至知姪兒於廿一日戌時病故

之死何殊衛國風八年含淚度閨中不成見面終

歸骨春草青青秋樹紅

夙世他生且莫提一言好慰汝夫妻人間多少分

飛鳥地老天荒不並棲

季勤汎湖思子圖

湖光依舊碧於煙老病孤舟意惘然猶記篷窗同

一笑不堪瓊樹已重泉

老去姜昆鬢其華愁心且自付天涯眼前尙有三

株樹儘放人間稱意花

明張方洲給事雪後月明圖

海國安恬幾輯寧金盤雪後浴潮生先生一笑歸
舟夜吟斷城樓又幾更

明張方洲給事春深村巷圖次方翁韻

花藥春深嬾掩扉農書一卷對斜暉
恰憐行腳真多事莫問客從何處歸

改七菴琦先世宛平籍其祖官壽泗總兵遺

奏隸籍松江琦近文章以詩畫名感思故

居索崑山王椒畦學浩作乍村老屋圖卷

王惕甫芭孫爲文郭頻迦磨爲詩圖今歸

青浦張小谷

先秦大夫有改產改氏姓系證古簡回紇別種何

云然數典或恐顏之赧

廣韻上聲十五別姓秦有大夫改產惕甫文云改孤

姓是回紇別部

琦也畫手誠超羣九峯三泖蒸煙雲雞冠

不數董奴子胡佛實髣將軍百年歸夢圖老屋

紙上故山當歌哭小谷得之重徵詩此屋歸然圖

有福吁嗟世事隨所遭文通武達俱英豪來護兒

兒能把筆虞世南男能帶刀男兒有能皆克肖琦

也有知應一笑

桐鄉馮孟亭侍御浩奉硯圖爲金芸舫森賦

馮司寇

景夏

昔寶璞剖馮侍御

浩

昔寶硯守繪圖

分貽三鳳皇此第三圖太史

集梧

受名公題者二

十二奚橋昔曾視下走貯雲室冷丁卯年紫雲圖

入金君手君爲大鴻臚快壻誼與太史稱叔舅圖

傳何異以硯傳晏家故事差無負柏府風高歸著

書木天班清獻上酒抱璞時見喜上眉論珍不數

金繫肘況此片石逾球琳使星卿月光前後煙雲

過眼一笑中人壽總比石更壽不見官倉徵糧時

馮糧道斛在人口

馮星實鴻臚應榴夢蘇草堂圖爲金芸舫森

賦

大馮註蘇時夢蘇夢蘇又倩人作圖註成夢圓隨

蘇去仙夢飛入西子湖蘇詩註家不可悉王註姓

氏九十七二劉蘇二王長源黃中呂本中俱六家

補列何可逸吳興二施吳顧禧傳是樓有宋刊遺

宋中丞復查學士編註補註老不疲蘇齋學士註

又補精微溟滓心益苦王見大文誥註曰集成總

案精詳世無伍鴻臚合註衆所珍挈按攬結前生

因秋宵風露竹樹冷蕭衣冠見通精神玉溪詩註

柏臺老太史樊川註亦好與君註蘇善本三士林
都作遺經抱云何李杜夢不通春明獨夢眉山翁
百東坡身萬千可入心感召窮天功武林金兄鴻
臚堦山抹微雲妙吟句婦翁冰清不可招寶此一
圖香一炷六橋三竺公乎來真耶夢耶旛風開臘
月十九日又近水仙王廟孤山梅酌公畫圖酒一
杯

奉硯圖

馮侍御奉司寇硯同卽墨侯開生面第一圖付大
鴻臚燕吳南北隨郵傳圖失復於廠肆獲恍如硯

返臨安壁蘇齋學士詩重題景定重提註蘇冊司
寇此硯非尋常平準斗斛陳 天閫平反冤獄不
可悉隄麋磨出卿雲光侍御奉此亦不負鐵冠鉶
鉶重 朝右歸來頭白惟著書玉溪註成硯成白
長君頭龍復名卿教歷中外趨 承明蘇長公詩
磨墨註草堂夜夢霜風清賤子石頭少學步愛讀
李蘇詩兩註仙雲舒卷瞥眼見一瓣香爲南豐炷
硯聞無恙青箱存公侯復始宜子孫廉吏清門貧
可賀書畫浚散無足論我知明卿侍良史鑒我精
虔發驩喜殷勤屬我謹書識先生施教貽弟子
濟

少日承侍御八分
書弟子職一通

蘇文忠雪浪石盆銘雙鉤本用蘇韻

嘉禾百里無陵屯坐想巨嶽山稱尊千巖萬壑翠
欲滴靈秀飮眼醒庸昏坡公奇石不可見石圖何
意來荒村銘書豐腴骨絕勁大圓鏡照婆羅門翦
裁作冊怕玉碎硬黃攝景傳精魂摹公書蹟諷公
句但覺遠岫雲生根游絲嫋嫋篆煙縷盤旋屈曲
纖無痕此下真蹟僅一等晚香堂刻何足論況聞
定州石近損神物難問芙蓉盆佳拓可寶此亦寶
歷劫不壞斬長存

用蘇韻書何夢華元錫所貽拓木

坡公文章風雲屯宵小苦忌公名尊忌公欲滅公
文字大書深刻靈塵昏雪浪石盆神所護八百年
壽中山村公銘此後卽遭貶蠻風蜚雨淩海門定
州一去不再到芸叟作守空招魂此盆矧遭馬廐

辱石亦僵臥臨城根

康熙初臨城令宋慶業自定
州移雪浪石於臨城建亭繫

池宋去後變爲馬廐阜石機石亦什土中乾隆丙
戌趙州刺史李文耀復移置定州衆春固見嘉善
周篋谷震榮石縱仍移盆磨毀舊筆不見龍蛇痕

曲陽詩註

何郎贈我此拓好王見大其尊酒論五十六字字

無恙依然全璧非缺盆十年前事又如夢

何貽此
拓在乙

西入寒夜剝啄誰過存嘉慶元年丙辰十月四日
直之繩來訪是夜已二鼓夢華偕吳江陸
爲訂交之始

用蘇韻書仁和趙晉齋魏所貽拓本

衆春園內羣峯屯雪浪之石歸然尊李刺史文耀

移還舊觀神明煥若開朝昏畫師畫石亦無數好

手獨有竹林村沈進士可培時令安肅磨墨渲紙

荷齋門庭前榻上屹相向飛石攝盡雄尊魂朱佑鶴廣

文邦經沈向齋進士傳云雪浪石張學士若鵲圖

進後無敢復下筆乾隆庚子進士令安肅適

能重爲是石寫照者袁檄進士馳往定州圖成恭

進此段佳話近莫曉神馳欲躡蓬萊根靈峯可企

不可卽畫筆空留鴻泥痕此拓武林趙老物沈竹

岑

進士之
子銘彝

同金石論霜寒木落冬釀熟田家歡斟

雙瓦盆大圓影挂竹林壁爲話竹斲食尙存

用蘇韻書海鹽張文魚燕昌所貽拓本

石鼓亭子石墨屯百城不啻南面尊曲陽盆銘百
年拓濃香灑霽煤麝昏文魚昔年蘇蹟訪禪智寺
刻淮南村新城兄弟詩並獲一笑往扣蘇齋門學
士喜劇賦五字高歌欲踞眉山魂是時盆銘挂詩
境指月了澈聲聞根學士微士今並杳春夢喚醒
都無痕古人遺意可知否兒戲要須晚學論水流

莫使腐止滯縷級莫使羸餅盆大蘇詩法石不朽
元音正始世乃存

蘇州施稻香 ■ ■ 種紙圖

書家主人先說紙不但澄心與側理醉髡庵中蕉
成林云種紙材亦戲耳稻農種蕉如種禾漫天無
罅青陰多鍾家眞書索家草比視藏眞知何如我
有溪藤寫復寫知君用心和不寡爲問書成鈐印
紅蕉窗可有軍司馬

次韻答程聽溪夢麟

魯國諸生可暫拋莫同倦翮戀歸巢縱輪早歲人

看杏儘耐清齋屋蓋茅輟固治詩還老壽揚雄對
客解談嘲夜航記取詩筒便說與知心是素交

七十誰能竹杖拋鶴盤健翮踏雲巢沛南正要經
傳伏句曲非關道學茅紫禁有書應特寵青氈

無恙豈騰嘲清絃況有琴心疊古調還知與古交
折楮研煤我未拋不知奇計闕居巢愛看春水門
多竹免歎秋風屋破茅有友只尋東野凍無官誰
賦北山嘲梧齋又把新裁寄耐久懸知以淡交

脫手詩成金彈拋笑他鳩鳥拙營巢新於初月籠
疏竹清比寒泉洗障茅學舍自無和嶠癖飯山那

有杜陵嘲阿咸船到勞良訊玉樹從欣又訂交
節物難將歲月拋眼看語燕定新巢颺颺石鼎泉
烹茗薄薄匏尊酒壓茅詩去詩來如有約花開花
落總無嘲白頭正要尋真樂不解前人廣絕交

村居人事已全拋身世無懷與有巢春水一犁肥

豆麥柴門三徑長蓬茅牛衣久冷當時話

余失偶已二十

載驢券都忘舊日嘲

余不入都已二十七載

卻笑賡詩重又

續生香不斷樹柯交

搖毫擲簡比梭拋山友歌賡許與巢淡墨亂磨方
尺硯采箋貼徧一間茅似爬癢疥知無柰何與饑

寒定有嘲忘卻吟顛都老大鬢邊如雪已雙交

明平湖李潛夫先生確像

先生古逸民神完中有恃壯上長安書滿腹吐經

史晚遜龍湫山絕迹遠城市詩弔鄭嬰垣

見橋李詩繫

錢卻魏叔子

見嘉興府志

自非賣椶櫨得飽即可恥

見府

志海天長蒼蒼小事是餓死

結習老未除詩爲青山發青山非故山不語轉兀

兀忍飢問青天且詠天上月一夕詩一章月盈行

復闕吟到月盡時無月但飲泣此意人知否先生

瘖不說

先生排日詠月今存十三至十七日五詩

邵守瑞少梅元惠新篁里二律次韻

郡閣文章盛鄉村草木幽何期成里舍被賞得賢
流政美黃丞相居安馬少游仁人君子德炎夏亦
清秋

艾綠榴紅日叢篁正放新耕漁通小市歌詠樂同
人爲助木多節端如竹有筠他時編邑志墨妙永
存真

次韻瑞少梅太守墓園秋思圖

使車隸東南卿月照將徧列戟忠孝門世德仍無
變秋風生故園松楸寄餘戀不盡孺子心且寫仁

人面侍遊泉起官卅年如轉電發爲廣微吟蒿莪
情可見嗟余百無成守拙非游倦亭橋依慕堂

先父

母塋在平湖齊樂亭
橋墓之廬曰慕堂

扶羸津空嘯錫類感孝思焚

香拜佳卷

原作

瑞元

昔觀望海圖全家照寫徧

昔二老人攜元登澄
海樓有臨榆望海圖

照

此日復傳神滄桑一爲變那問肖不肖紙上

餘眷戀未獲覩親顏親或見兒面嗟兒面易老

光陰等掣電勞人四十餘鬚髮白將見奔馳天

地間早覺客遊倦高風動秋園悽愴淚空嘯何

當守墓歸一日一展卷

附錄

黃安濤

先德爲名臣仰斗區宇徧承平緝雅頌文體亦
英變賢哉子克家宦游邛隴戀移孝而作忠劇
任倚方面剽煩手旋風燭隱目流電教澤敷駕
湖文翁今再見明公高鵬騫賤子飛鳥倦有緣
接華裾餘潤資漱嚥堅我誓墓心三沐捧此卷
鄭曉山秀才以本吳書札索題云是潘稼堂
太史之蹟

鄭云詳遂初堂集是集
余有之而懶於尋檢

驚鴻灑血卵難完弟幼親衰門戶單到此萬難行

與住并將血淚入毫端

詞賦名高金馬門百年零落臘頽垣空留一幅眞
情話讀到銕殘雨又昏

瑞少梅郡守以新篁里詩定本見賚再次韻
勝賞開宏閣羅材徧仄幽信知賢者度不棄野人
流定本安吟律深心警情游清風來竹徑一片玉
壺秋

誰得句宣暇長吟句益新傳家原大雅餘事卽詩
人妙墨增禾錄佳箋疊越筠筍根培稚子長養荷
天真

程聽溪廣文用瑞郡尊韻題新篁里次韻

一路碧如洗村居只白幽何圖耽野趣卻得詠名
流五字投新製三春詩舊游拋珠餘韻近瞬又麥
成秋

老筆詩逾健眞忘白髮新開情聯野客著錄付門
人正喜梧桐陰

聽溪齋
名碧梧

還吟竹箭筠杜陵遺意好

洵感丈人眞

乙未六月八日以淨相寺檇李薦先君子

祠廟用蘇文忠食荔子韻

有酒莫唱提壺盧我口未咽眼欲枯昔年從游古

梁福

淨相寺梁時賜名梁福

小舟校疾赤馬驅嘉樹下立輕

衫襦摘果下酒涼生膚我父頽然對古佛酣歌

不用雙鬟姝此樂今可復得無廿六年守享祠

隅兒啼到老作學究甘飽飯糲衣布羸今年旱暵

此果少得之何異明月珠淡黃漿孕霞彩豔輕白

粉傅雲華腴村醪野蔬同一薦不須玉餠烹銀鱸

哀哉色笑不可卽掩淚忍看移舟圖

謂仙根分種圖

薦祠廟畢以攜李分餉兒孫

南山不見行者盧

寺前南山二字扁明孝廉積祝損延珩所書康熙時寺有高僧

金紹升後主太平禪寺

粥魚聞寂禪心枯房陵嘉李賸幾樹

僧雛把竿維禽驅石家不障錦繡襦姑射自孕冰
雪膚纖痕時帶爪一招好事猶說苧蘿姝諸楊諸
盧得似無何意冷落香華隅寺前香華橋元至治
時建今刻字尙存
幽人白首甘野服自媒自炫真塵羶吾思 先子
昔所嗜採摘不憚汗流珠分栽結亭十年久纍纍
斑斑新露腴先子植李數本築小橋
李亭沈帶湖司勳爲書額今得幾顆
聊一薦我家故事思尊鱸餒餘兒孫得嘗食他時
可作分甘圖

乾隆時 先君子分淨相寺李栽今入甌精

舍結實甚繁嘉慶己巳 先子棄世樹漸

衰今年葉不及半

人生老病須醫盧此李何爲僵半枯皮皴枝剝榦
欲裂定有蟲蝨疏除驅我昔尙著巾角襦眼見鄰
樹分稚膚春風吹開白玉蕊縞衣素袂來仙姝樹
亦有知物換無主人已到仙山隅齊樂亨橋橋西
路慕堂柏亦如斗羸亞亞短垣月挂壁離離衰草
露零珠六十年間眼一瞥此樹那得還敷腴春游
不思湖上驢秋游不思江上鱸行繞半樹一長歎
孤兒萬慮無良圖

外太舅嘉善沈堯封先生神於醫者也淨相

寺僧贈以樵李栽植之後院乾隆甲寅七
夕外舅孝廉君故後樹漸落

先生醫神扁與盧處方能起病骨枯遺書滿篋三

世讀

外舅寬夫翁婦之
長兄素忱廣文

癥結洞見咸消驅淨相老

僧緇衣襦得藥銜感淪肌膚贈栽嘉樹後庭院海
棠芍藥羅羣姝我昔爲壻得忘無冰盤道暑侍座

隅梧岡查老池州守三詩疊詠吟非羸婦翁仙去

樹亦落合水不返夜光珠雪影廬前竹影側

皆院
中書

舍何處更覓雲英腴丁家柵口秋水闊但聞老漁

呼賣鱸

先生與孝廉君俱葬於
丁家柵操江老屋之址

庭樹無存墓樹拱

空望煙波如畫圖

石門方蘭士翁薰畫樵李爲報秀水蔣春雨
明經元龍贈果作也蔣於錢蕐石侍郎二
帖識云留裝方蘭坻兄設色樵李小卷後
余旣裝爲卷侍郎之孫恬齋方伯爲余詳
記而題之者又得數家

方翁畫法楞迦盧寫生筆妙腴不枯禦兒城邊報
樵李一紙絕異萬馬驅侍郎投老辭簪襦折楮自
親側理膚來禽斷斷辨眞贋爪捻細驗西家姝我
今裝卷蔣知無乞題要徧三吳隅珪組韋布盡素

友頭銜不別官精麗文工畫妙各臻極一卷湧現
摩尼珠攔沙聚散感存歿展看惟見辭清腴今年
果荒難遠致相思莫寄秋風鱸何如此卷色香兩
不壞玉李年年存此眞形圖

夏六月聽溪與余俱病病俱重今俱就減次

前韻

幾何同作海山拋雨過風和尚故巢藥味無窮資
草木書聲有日出蓬茅頤逾豐下君增福眉益加
長我任嘲人病未瘥詩病發天生窮老是窮交

徐虹亭鉉與潘稼堂來札

柘湖詞客紀南來

帖首云融老平湖沈融谷晦日也

良訊兼教訊

玉臺

帖云勝兄秀水徐勝力嘉炎也

祇是秋箱行急後返魂無術

總堪哀

康熙二十一年吳漢槎兆騫歸自戍所館於京師期年歸吳江未及一年復入都率

於旅舍虹亭太史夫人與漢槎爲兄妹行且幼同學此云漢老謂漢槎也

筆墨須爭最上頭柯亭劉井總風流無端一紙寒

溫語惹得詩人說未休

黃飛青蕃遺余玉旌寶刻又寄九言長篇因

買舟奉訪舟中成此

璫與寶刻此題旌好事婁東王晚清一樣凌波微

步好風裾霧袂不勝情

妙蹟重提魏水村朱姜題句幾人存憐棠花事翻

新樣點出秋涇水墨痕

吳■■住
秋涇橋

沈家兄弟舊聯吟故友琴亡難重尋

沈崇齋中翰
同年敦禮藏

其先世椒園房仲兩先生聯句題玉版
刻今崇齋故後此冊不知流落何所

賸有柞溪

遺老筆如珠細字比球琳

沈聯句詩海鹽錢柞溪
老人有手錄彙今在余

齋

輕煙淡月籠芙蓉合字波尖揚最初五十年前陳

迹在傷心題句幾行書

先德容兄昔得海昌陳衡
玉璫所藏最初最精之拓

先業師戴登蟾先生
爲題五言古詩一章

記住王家話雨樓要余題墨徧銀鈎雙瓊認取翁

家刻又夢蓬山十二秋

盛澤故友王旭樓少府曾贈余翁羅軒刻跋

淚灑明珠合水濱雪泥絮影等飛塵于闐刻又端

溪刻留著瓊章抵故人

梁眉子同年祖恩昔贈余玉刻有翁跋者今梁沒於

廣東任所

山西宋老畫中仙一舸時來問竹田黃竹箱開持

片墨竹西風月舊雲煙

故友安邑宋芝山學博葆淳昔贈余玉刻本是揚州

馬氏小玲瓏山館舊物

高樓道古重司城古墨時逢眼倍青嶺上梅華勞

撥贈暗香記說老明經

桐鄉汪柯庭司城文伯古香樓藏古刻最精秀水蔣

嶺先秀才贈余玉刻是其尊人春雨明經元龍得於汪氏者

武林王五氣峻嶒鬻古還兼鑒古能認取朱圈留
幾箇金盆月照玉臺冰故友王檢叔禮治贈玉
刻本字旁有朱圈十數
祇今江夏說無雙好我連番放畫艤多謝清風來
好句龍文百斛筆能扛

贈光祿錢鶴庵瑞徵寄王宛平畫竹冊畫僅
存三幅其代書詩與文端尚書跋後之文
俱全其後人警石泰吉得之以入清芬錄
墨君三幅賸橫斜仗雨關風又斷霞認取詩文樣
筆在憑知孔李是通家

玉筍熒熒印紫泥通天一角識靈犀香樹齋是
犀角印范

家遺硯韓家笏

范家硯陳留志范喬事韓家笏唐語林韓舉事

合與名章

共品題

高曾手澤付仍雲斷墨零牋采輯勤比似琅邪王
鳳閣寶章未必勝清芬

八閩轉運漕使瑞少梅先生來書

昨喜燈華報書來第二封和風溫塾室化雨說滄

峯

閩省書院

文字論三載雲山意萬重會當迎使節奉

袂再躬逢

劇部資籌策皇華竦海疆霞旌榕樹暗露桐荔枝
香經度尊劉晏澄清重范祥請看卿月迴朗照萬

斯箱

上海徐紫珊渭仁寄雙鉤朋趙忠毅詩卷

御園嘴善類前後六君子餘赤湍不盡高邑竟戌
死詩鳴草聖餘家居念國是公豈耽吟詩於詩特

寄耳

云何雕橋莊

趙贈同邑雕橋莊梁西韓

飛入慈雲樓

卷為上海李心庵農

郎林松所得慈雲李氏書樓也

元老杜韓筆先題鄒顧儔

朱文正太老師

蘇齋發寒喟書勢狀蛟蚪

大興閻學翁先生

儀徵四十字

寫公憂國憂

阮儀徵師

其他十數家亦復工彫撿虎坊

橋舊館

趙謙士太常京寓

道古偕李侯惜返潞河棹此卷

未賡酬如何人琴杳青箱人復收

李故後卷歸王以恬秀才

瑞少梅觀察自閩中書來索摹古金石刻六

種並寄以詩

梅華吹送南天雲瑤牋班字班馬薰報書踏駿不敢出吉金樂石資前聞先生高門世種德銘鼎銘鐘兩無匹昨者南仲整六師錫得轡旂與攸勒曹司供職慎自公得純祚封地清切屬車豹尾獮蒐隨載詠車攻與吉日雙旌五馬來嘉禾政通人和瑞應集興賢勵學開講堂何異文翁留石室部民下士承心知虛懷略分逾恩施水巖珍材雲腴截

相城名繪霞章披米家寶蹟豈易得四十三珠探
龍驪謂賤八分頗知寫特遣八尺書豐碑謂賤於
詩尙可語特出韓筆教博依春風南來今歲首卿
月光華高北斗不嫌屏筆鄉壁書要似微塵泰山
受斷秦蠹簡生古香茅屋蝸廬享做帶吉祥文字
撰心華辦香謹爲先生壽

海鹽故人之子陳叔佳
歸自楚中以漢

銅洗見示

西華東里多才調一舸來存老病餘銅盞纔敲詩

一首挂帆還食武昌魚

叔佳又入楚矣

八閩想見客星聚

瑞少梅世伯上萃華同年太史曹子安嫺契孫松泉女婿

書祥定有徵他日歸來過竹里定繙新卷話吟鎰

書海鹽陳勺翁進士樽畫冊卽用其題畫詩

韻

勺翁字組行乾隆乙酉科舉人丙戌進士官博白縣令

久雨放新晴落華舞檐瓦遲遲日漸長不減小年

夏靜眼

陳靜眼善山水見圖畫見聞志

無聲詩詩鳴非瘖啞層嵐

雜疏林如黛復如赭時作米家山潺潺溪流瀉復

有臨流人隻手綸竿把知君江湖心折腰肯卑下

畫清詩益清我欲拜東野讀罷午風和鄰庵飯鐘

打

雁足鐙歌爲上海徐紫珊涓仁賦

鴻飛冥冥翹一足西漢行鐙寶於玉內者鑄賜恩

澤侯建昭鑄又鑄陽朔太原廉使昔得之賓主翦

燭同敲詩趙家冊子

趙晉齋魏

吾家

張文魚燕昌

刻攝鐙取

影無差池蒲褐禪又平津館

王以此鐙歸孫淵如觀察

瞥眼金

魚與玉盃金鳧已飛鴛鴦湖

孫氏號叔鐘歸余齋

太息孤鴻

無老伴南州高士雲閒龍愛按蝌蚪古鼎鐘顧硯

山家住宅近儲藏不止紫玉洲索余冊戶齋從好

示余填書筆精到

趙忠毅詩卷

詢余縮勒獵碣文要移

重摹石惟肖

海鹽張氏昔摹石鼓文北宋本據顧汝和縮臨刻硯者以資排比

昨

者鴻信海上來陽鳥已向三泖回金壺墨灑帛書
就玉蟲花爛椒盤開訃雲一聲雁開口雲海歸來
緣不偶無端關塞幾千年文字吉祥吾長壽爲訊
舊遊青浦家蠟淚夜滴飛年華爲語冶城幾棲宿
雪消爪冷空天涯祥光豔豔天風送不是飛鴻是
翔鳳舊謠紫燕閨黃貂轉燭興亡眞鶴夢

三十年前故妻沈淑卿繡戊午孝廉一名金

石文字千卷二語於讀書鏤影以見詒茲

徐壽臧甥爲摹於印

發紙研摹幾十春白頭依舊作閒身可憐鐙影書
聲裏不見停鍼共語人

海昌蔣生沐光煦簪鐙教讀圖

曲陽奉圖來話雨款扉屋云懷母教賢匪特父書
讀昔跪影堂前母責讀未熟曰兒讀不熟便詒汝
父辱我痛汝蚤孤何忍遽鞭扑兒試自思之將何
亢門族母哭兒亦哭淚流斷復續

母氏今死矣事如昨日然不見母氏而空記母訓
傳不聞母氏語空瞻母像懸讀書今熟否反復空
遺編令名今詒否愧忤生萬千圖在母何在哀哀

長終天

上海顧氏露香園舊址新建粟廩復築園亭

次翁閣學題顧園畫冊詩韻

顧家園久蕪圖經不可證積粟貯倉箱度地僉云

稱徐卿欽維桑人中稱水鏡慮事卽量功樹堂

堂復開徑旣饒漚瀆貧藉著吳郡姓廣韻顧姓出吳郡翼

然秋水亭楓荻秋聲應紫珊集唐人楓葉荻華秋瑟瑟開雲潭影日悠悠句

索余書以亭後壘小山曲廊向無定山後軒高臺

登陟勇續脰修篁幾百竿清陰照燈檠靜緬祿

風玉泫潛蚪瑩揮毫朵殿書金卻黔國贈故交

益堅

葬上海鄭令見郭志全故人之子見方志

是惟道戰勝荆溪與使

溟詩筆亦老勁君今復舊園後先相輝映遙遙三

百年詞壇笳鼓競去臘寓余書窗前梅開正良訊

今又貽上藥珍茶朕他時乘興來層欄我亦凭

海鹽張文魚燕昌重摹石鼓頃移置上海仁

粟堂中再用前韻

石鼓古本稀僻

鐘鼎款識

李

甲秀堂帖

難佐證馬

定國

楊慎

說更誣持論孰允稱范本

天閣

裴或繁鬚眉失軒

鏡吾家石鼓亭顧硯

顧汝和縮摹於硯係據舊拓整本

實取徑摹

成手自持恰合張生姓耆古城北徐鉞芥氣若應

適新顧氏園結構聞麤定夜壑移巨航肩昇頰臂

脛指畫忝細觀繼夜雁銍繁萬竹綠雲腴萬竹山房一

亭秋水瑩臙知石廩豐較如石倉贈無俟白科掘

不使固碑國山碑勝此石昔摹時題者文筆勁朱阮

兩相公奎壁中天映後學莫置辭白度風不競君

如并鐫之儀徵與文正猶如古經垂勿辭詰訓朕

晝靜聞登登園齋試重凭

三用前韻題顧氏縮摹石鼓硯拓本

古拓舊割裁後來難取證譬如治絲棼經緯誰能

稱顧家老硯田一輪大圓鏡存字一百行行行別

畦徑硯背一寸窪蠅書勒名姓虹紳萬丈懸鸞鳳
九霄應信知籀史筆前哲此評定此鼓昔屢遷至
寶走不脛妥帖置壁雍儒生照短檠此摹祖何本
全璧瑯清瑩此拓出何人故友石峯贈翁宜泉秋部有石峯
草冷笑賈悅生玉枕誇精勝徒傳廖瑩中勇爵酬
筆勁何如此文古米硯光交映所以石墨珍肯作
錐刀競大徐今貽書影摹要筆正攝燈老眼昏空
費蘭膏賸爲語寫金生精心斐几凭紫珮屬受之及門影摹此
本寫金室受之齋名也

瑞少梅以八閩漕使陞任山右司臬道出禾

中

月輪纔度十回圓又向雙旌拜畫船
漕最已飛聞海擢獄平還著太行鞭
安侯再擢新符節黃相重來舊管絃
三晉雲山思共看相隨悵不甘年前
高厚雲天禮分加尺書四到部民家
自公原是勤肱股說士何曾惜齒牙
政美已封何守樹裝輕只啜蔡侯茶
還期開府東西浙吟徧湖隄十里花

聽溪有盆鵲花樹形如鹿百餘年物也爲作

斑龍引

斑龍吐納千雲霞四蹄趲趲角橫斜
春來文章不

得隱丹砂圈出全身華吳羌山樵偶收得砌草階
苔共寒碧此華此樹同長生斑斑莫誤啼鵲血吾
來小住君衙齋看花夜夜斟茅柴況逢理事胡伯
始二百十歲三人偕聽溪年七十三胡秋白山樵
總愛山中福恰卸名繯返野服白頭一笑歸去來
恣看仙花騎仙鶴

胡秋白廣文元杲漱六齋

天下中庸有胡公坐人十日春風中彈碁讀書鬪
詩酒書算名律皆賅通買山西湖作歸計索冊其
戶漱六藝他時丈室待高懸寫出初心二分隸先

生少魁名士場黃金散盡寒齋香小檀藥室青琅

館平泉花石同滄桑

小檀藥室青琅玕館秋白舊時庭墅也今惟存二圖卷

今日囊中亦何有欲構房廊尙空手不如紙上頃

刻成先生與齋兩長壽

聽溪將返德清招集衙齋已十有二日矣有

詩見投次韻以答

賦別何須說綠波安絃還要問雲和

先生於琴學甚深嬾

開白社新知少愛說青山舊夢多

先生譚少時讀書於武康計籌

山白石洞天五十年

險韻屢拈詩有伴藥方高閣

前時事令人神移

病無魔

先生今春小疾幾何爲藥所誤

相逢又怕吟顛發拍手掀

髯兩放歌

原作

程夢麟

未棹歸舟趁綠波客來正喜景清和新詩頻改
瑕疵少舊事重譚感慨多入座更添花作友開
樽不似酒成魔連朝小集都忘老莫誦香山白
髮歌

聽溪壘韻見貽再和

言旋決意井無波生怕人嘲癖似和老屋不愁山
色少歸裝只喜尺書多

聽溪壘小札
已四巨冊

停琴佇月都

成畫投犂留賓已入魔定卜賢孫慰詒穀桂花香

處鹿鳴歌

三用前韻答聽溪并視秋白

詞瀾又起硯池波聯詠同聲韻更和松柏不爭瓊

樹豔珠璣憑落玉盤多買山客健休言老

秋白買宅西湖

作歸計

退院僧閒自卻魔

聽溪已引疾告歸

野叟喜隨雙杖

後正應合曲莫徒歌

道光丁酉五月一日同聽溪泊舟本覺寺前

登蘇文忠三過堂遲瑞少梅漕使

報道珠躔度使星輕舟移向寺門停絲車繭箔無
邊白麥隴秧畦不斷青萬里鄉心蘇子句一龕初

夢冀公亭來程未盼行旌到雨打篷窗且共聽

同作

程夢麟

蕭蕭古寺閱霜星同訪遺碑棹且停妙翰昔籠
紗影碧寶幢今映薜痕青閒雲來去堂前樹朗
月淒清野外亭勝卻吾鄉惟一過泉聲曾向小

橋聽

德清有蘇題
半月泉刻石

二日清曉瑞廉訪舟至用前韻

相逢一隔歲華星聞說南來話不停馬足時穿飛
水白船頭多插亂山青蛟宮蜃窟朝昏市榕葉梅
華長短亭此去西行四千里歌唐歌魏要重聽

廉訪

曾奉使
山西

遊三過堂用前韻

景蘇今又過文星賓從偕來棹暫停片石重捫苔
字綠瓣香一炷佛燈青尊中珠珀蓬壺酒承以海
外酒見
郭外風華驛路亭記取聯吟鐫活筆打碑聲共
梵鐘聽

五月二日同程聽溪張叔未任花農顧古
生暨子延楨遊三過堂次叔未韻

瑞元少梅

雙雙再覩老人星選勝相邀莫暫停此日峩肩

仍埽翠當時蘭若屢垂青
我來快讀詩三律人
往空餘月一亭歸路重經舊
遊地土音喜又隔
年聽

任鄂棠

花農

卿月輝連處士星
招遊蕭寺其舟停
佛幢雙石
光流赤詩碣千年字
蝕青裙屐去來皆
過客風
徽今古憶空亭
此行如覩我
眉叟數說因緣細
細聽

顧淳慶

古生

曾向嚴灘訪客星
秀州城外復舟停
相逢老輩

眉雙白卻憶前賢眼屢青壁上好詩捫斷碣林
間空翠俯危亭廉車更話咸通舊紺字源流得
共聽

延楨維之

少從南北慣披星爲拜坡公棹此停文字有神

仙蹟黥

蘇詩刻石

家山無恙佛頭青雲霾斷徑尋經

石

唐咸通石幢

月朗前溪認草亭

朗月亭在本覺寺隔溪之南添

得嘉禾一詩事清吟留與後人聽

程夢麟聽溪

篷窗際曉望疏星聞說雙旌驛路停棠蔭共欽

心保赤檮材夙荷眼垂青僧開草闢松間徑客
到茶烹竹外亭珍重前賢詩滿壁摩挲細讀喜
同聽

上海徐紫珊移海鹽張文魚重摹石鼓置新
建仁粟堂用前韻紀事

顧家石硯何人持

顧汝和從義以宋拓石鼓整本縮摹刻硯蠅書細篆

窮精奇徵士摹范范本亂

范條劉裴本

實據顧刻資排

治露香園址粟庵建初擬移石人驚疑海鹽刻石

此何與百夫邪邪煩歎咨君曰顧硯不可見張老

之摹基於斯移石正復吾鄉蹟如食龍眼甘歸脾

遷移莫辭愚公疲劬勞莫歌梁鴻噫隆隆者何困
不虧高高者何棟不欹此堂不廢石不泐一研何
啻十研垂海鹽上海海同晏仁者分別殊嫌私

同子慶榮姪辛至天竺

山行處處木樨香路引重山不覺長此樂固應兕
輩覺者番端不負秋光

哭汪小米遠孫

漬墨研朱忍再論青山何處哭吟魂回思六七年

前事載滿船書兩到門

承兩過
篁里

負負樽前幾首詩招魂翻補左徒辭秋風秋雨寒

蟲弔知否挑燈灑淚時

小米觴余水北樓屢索余詩而未之應

嘉善周青在大令震漿簑谷圖爲其孫容齋

部郎爾塘賦次翁覃溪閣學韻

種松何時風雨吼種梅何時蛟龍就就中巨竹千

萬竿滿眼鄉園奇鬱茂鄉園地接魏塘近綠町翠

疇錯綺繡簑篴一路題不盡何計詩人吟太瘦沈

家竹影我婿鄉

外舅沈寬夫先生家嘉善東門外譚公橋有竹影軒五十餘

年曠昏晝君家師門復同舉

山茨觀察上駕湖講席尊公三雅同守同

舉戊午科鄉試

疑義奇文嘗迭叩今從竹里看竹圖祖澤

清芬滿襟袖爲嫌水村無佳山特綴重巒盡透皺

幾疑身居無竹鄉
飢眼空花纔一邁
穿雲欲作飢蛟翻
裂月欲作鸞鸞奏
誰能竹生孫又孫
五世簪纓聯甲秀
不是梅衲枯庵營
不是文同園池構
直是傳經一卷書
濯肚沙痕皆篆籀

四疊韻答聽溪

知君安穩住清波
方藥無須問緩和
投刺不愁行客滿
開窗只覺遠山多
鶯華老去恬春夢
蠶帙翻來牋小魔
那得移舟一相見
村醪同醉放長歌